

Izjava: Vlada nastavlja sa radom

Ured visokog predstavnika pozdravlja usvajanje Zakona o porezu na dodatnu vrijednost (PDV) po jedinstvenoj stopi od 17 posto, koji je Predstavnički dom Parlamentarne skupštine BiH usvojio na sjednici održanoj 12. januara 2005. godine. Osigurati parlamentarnu podršku ovom zakonu je bio zahtjevan zadatak koji je Vlada BiH uspješno obavila kombinirajući odlučnost i strpljenje. Ovo pokazuje da Vlada i dalje nastavlja sa radom.

Uvođenje PDV sistema je važan preduvjet za daljnju integraciju Bosne i Hercegovine u Evropu, ali - isto tako je važno i to da - može donijeti i stvarnu korist građanima BiH mnogo prije nego članstvo u EU postane stvarnost. Jednostavan PDV sistem povećat će prihode, koje vlada može utrošiti na unapređivanje socijalnih usluga. Izbjegavanje plaćanja poreza će biti otežano, čime će pošteno poduzetništvo biti u prednosti, te će pomoći da se umanjí korupcija koja je nepoželjan dio života u BiH. Također, PDV će učiniti da potencijalni investitori ozbiljno razmisle o ulaganju novca u poduzetništvo BiH i time otvore nova radna mjesta.